

摘藻堂四庫全書薈要

集部

欽定四庫全書薈要

集部

御製詩二集卷五十三

四

詳校官原任編修臣徐立綱



欽定四庫全書薈要卷一萬三千三百八十集部

御製詩二集卷五十三

古今體六十八首

甲戌九

謁

陵禮畢車駕入盛京仍疊癸亥歲舊作七言排律十四

韻

周甲遵塗又向東
吉林佳氣鬱蔥蔥
故鄉遺俗今猶在
創業開基古鮮同
走馬率西時相宅

如龍連海每勞躬

皇威遠邇先攘外

聖澤深孚早建中名正底須慙德抱

我太祖之興兵伐明以報先

讐非利其土地氣雄真使敵羣空既申頻价魚書議

既得潘陽遂屢遣使

議和垂得還旋玉轡龍

我師謂取之甚易守之猶難云

惟

幄運籌宣衆力風雲締構贊

天功

王師本是征無戰勝國徒稱守且攻爰藉驅除膺大寶

我世祖平流寇之亂得
天下定鼎燕京於古為正

遂遷都邑設艷宮上

陵近紀諏秋吉狩漠觀風樂歲豐累洽重熙蒙

祖德月將日就惕予衷留京莅止當年宛父老瞻依喜

氣融滄海車書虔輻輳

朝鮮遣陪臣稱賀

九關闔闔洞開通推

恩行慶遵常制何必醑筵醉頰紅

至盛京故宮日作

精裡敬展十年思莅止留都駐羽旗秩秩肯堂欽

祖德依依愛日奉

親慈氣迴嫩暖情均暢雲放新晴喜共知信擬貞觀歌
案側武功得句再巡時

癸亥十月車駕發盛京時有會復如唐后武功咏再巡之句

御崇政殿

重臨慶善仰

徽興黼座維皇

祖所憑來賀西鷄復東鰈

時準鳴爾輝特部台吉阿睦爾撒納內附羗使先至又朝

鮮例遣陪臣奉貢致賀

敢忘夕業更朝兢

君臣一德思前篤禮樂百年踵後增卜世繁禧綿億載

大紅海旭正初昇

故宮侍

皇太后宴

金風皎日麗仙屏
樂奏雲韶鳳下聽
興慶重來溯

締構大安到處奉

慈寧雲呈東海迎
鰲駕祥擁西池介
鶴齡敬領

徽音識心所曰欽
繩繼守

先型

詠菊

瓊枝萼萼傲霜開，纔過重陽故國來。
未免迎人如見晚，不殊昔歲此相陪。
工慙李迪能描筆，逸謝陶潛但舉杯。
最是一枝秋意足，底論金盞更銀臺。

實勝寺

精藍何處無初地，佑皇圖虔禮世尊。
相敬思開國模範，難緬

御鎧威烈仰

神弧

尊奉
胄及

太祖所貽甲
太祖所遺弓

佛是仔肩重憂勤益切吾

清寧宮疊舊作韻

故宮茲路寢

裡祀例依前

祭

神為國朝舊俗必於正寢
癸亥東巡時敬謹舉行今仍之

承構惟懷

祖居歆摠賴

天西南仍啟戶翰墨亦陳筵依舊三秋景那能百慮蠲

流陰誠荏苒清暇暫周旋言念蘋蘩主愴然憶昔年

癸亥

年來時

孝賢皇后相

隨撫今追昔有感於懷

頤和殿

有序

於清寧宮左側構室數楹為

聖母息居之所名曰頤和殿而系以詩

松鶴顏齋表清越

避暑山莊松鶴清越
皇太后之地也

聖母山莊所
聖祖奉

御亦以松
鶴名齋 頤和名殿奉

晨昏

孝慈家法千秋仰儉樸初風一室存

登鳳凰閣

層巖建置憶

當時表裏山河座下披
鼾睡豈能容榻側縱觀直欲奄
天涯九秋如昔風光好百歲而今戶口滋繁似京華非
不美俗漓用此為縈思

欲遊千山復不果

念結龍泉祖樾間遊期又復爽
千山既憐倦馬當秋瘦
且付枯僧把月閒坐可披圖悟
離即恍如對瀑聽潺湲
終須卧象諸峰側霜磴煙蘿取
次攀

長寧寺恭瞻

太宗所貽冠服二首

羹牆有志難為覩

冠服重瞻仰

聖靈應現吉祥雲作蓋千秋萬載護長寧

戎衣汗馬

躬勞苦繼述常懷

烈祖靈儉樸心欽發篋始微言那藉李邦寧

按元史大安閣中有

故篋李邦寧對云此世祖所遺裘帶
有聖訓曰藏此使見吾樸儉云云

過功臣費英東揚古里等墓題句誌感

橋山栢里鬱相望開國同心想杜房一二蓋臣茲扈蹕
逸勤胥及爾寧忘

躬臨酌酒當年事

癸亥初至盛京凡功臣墓皆親臨賜奠

遣奠依然表舊

勞

茲以重來各遣大臣致酌

動我愴然翹望處山陵氣接朔雲高

雨

繼思齋中片晌閒隔窓點滴倚吟間中心豈獨籌農喜

還憶

當年沐雨艱

恭詠

太宗所製鹿角椅

彎弧曾逐鹿製器擬

乘龍七寶何須羨八义良足供庫藏常古質山養勝新
茸那敢端然坐千秋示儉恭

故宮對月

殿秋輪欲小近海光愈潔初度埤堦闌漸朗琉璃闕
衣宵古已然示冲令豈別繩

先益增惕惜陰敢即悅同漢歌大風異唐臨遼碣可愛
冰蟾輝何須問圓缺

大清門

我

太祖神武明哲創業開基日不暇給而勤於庶政建二
木於門俾下情欲達者書之以進

法貽百世澤永萬年

令許投書異詒筓無聲聽俾下情通古風淳噩非緣襲
謗木堯年

聖制同

賜王公羣臣及盛京官員宴即席得句

崇政光華午日晴笙歌酒醴樂聯情寧誇漢代橫汾水
訝擬周家宴鎬京兕爵三巡湛露泛蛟壚一縷瑞煙輕
同堂均有亮功責誰進嘉言勗守成

大政殿

翬飛朶殿煥觚稜左右亭分以十稱永念誰知此時切
疇咨獨憶

昔年曾紹聞衣德千秋凜

燕翼貽謀萬葉承三致意惟欽繼述吾心寧敢懈兢兢
恭奉

皇太后自盛京廻鑾之作

盛典

崇禎次第脩

安輿虔奉啟龍旂幾多別緒留豐里頗有征人望薊丘
屈指再臨期後日追思夙駕溯前遊去來今了不可得
一念繩

先奕葉謀

永安橋

盛京城西至廣寧向多沮洳行旅頗艱我

太祖初定瀋陽即命脩除疊道一百二十里

太宗崇德六年又建永安橋自是師行無阻用集大勲
策馬經過摘毫誌事

除道脩橋經

指揮師行來往迅如飛奚稱貞觀征遼日布土徒勞奏
績希

過句驪河

潦盡寒潭碧水澄浮橋旋轡舊相仍樂浪元菟古難考
安市襄平近可徵納稼村間塲有積趨歸人急馬纔勝

句驪渡後頻翹首已隔雲煙望

二陵

冷

夕雨變微雪大野逼嚴寒旃廬獸炭圍繾綣彼布帳單習
勞願衆共所遇慙自安猶已禹稷心博施堯舜難

廣寧道中

廣寧道中跋馬行敗壘荒堡頻逢迎云是當年防守處
江山坐失嗟有明外猜內忌政紛亂謀臧不從不臧薦

其間門戶尚相爭文臣掉舌武臣竄增餉未逮士卒家
逍遙河上擁檠牙成梁華表至今在爵里世胄滄桑誇
候臺烽火更番置朝偵夜望亦云備設邏徒佈千萬兵
王師一舉皆捐棄遼東不保全遼西破竹安禁飛騎馳
我來撫蹟仰

前烈百年古縣成雍熙

皇天無親德惟本民不可下曰可近一言敬告守器人
待言守時計已晚

祭北鎮醫巫閭山

敬謁

橋山大典昭旋輿蠲吉祀寅朝提封於昔更無北望秩
而今溯有姚廟古百王虔盛享

神庥億載佑全遼高低黍稷盈豳野歲歲顓祈風雨調

畫松

北鎮廟中古松半枯槎枒夭矯東榦翠蒼鬱然偃蓋祭畢周覽立樹下貌之而係以詩

鎮廟門西似蓋松半存枯榦半龍葱凝神如見抱朴子
圖貌慙非陳所翁立下忽疑晴與晦眼前可悟色兮空

何當六月根旁坐讀疏
佇聽謬謬風

杪秋遊醫巫閭山得五言三十韻

奧宇坤維鎮神堂
碣石開隆從叅漢
迴案衍向陽
恢舜典升柴載山經
括地咳昔曾望巒嶺

癸亥歲有過廣寧望醫巫閭山之作

今已近壇陔裡祀帛
籙薦威儀卿尹陪
達誠仙闕退問景
玉鞭催幕入栗梨
墅延緣蒨蒨堆圃
場崇有積雞犬靜
無猜頻見畊荒隧
疇能保一疇日高
方覺暖風細不生
埃盤谷深成阻牛
山久已咳寺顏僧
避去屋寂鳥飛

來遂造崎嶇遍從看草木纔地靈自呵護天意本栽培

寫霧豁宮霍流澌落漩洄柳書人作字松抱石為胎初

狹塵凡限中宏造化胚便因窮窈窕旋命減輿儻詰曲

遵碕逕蒙茸藉嫩苔懸崖飛瀑水切顥聳瑤臺右聖水盆尚

有芝英碣寧妨薦福雷右蚪蚪碑武陵雖假借洞口試徘徊

作記徵彭澤成詩憶楚材右桃花洞寧知進士第轉遜岳陽

杯右呂公岩肥遯幽棲處翹思獨往才右道隱谷雲巢真可號龍

種是誰栽右雲巢松最後中峰矗居然一笠嵬右曠觀亭海天惟

浩蕩心目與兼該始遇欣佳矣曠觀誠壯哉安期如却
掃意不在蓬萊

遊醫巫閭襍咏

翠雲屏

推妾孤峰削玉華山樞旁出古槎枒何人解事為鐫泐

語鑿空猶道女媧

上有舊鐫明御史張學顏題補天石三字

道隱谷

深谷棲遲可樂賢路遙偶未訪林泉東丹潛志讀書處

逐鹿成圖豈惘然

石渠寶笈藏
東丹逐鹿圖

聖水盆

垂崖迸水落絲絲冬不凝
冰事匪奇應為仙家修養法
將臨玉女洗頭時

曠觀亭

飛來一笠冠巔岼海水天雲入曠觀
奇蹟無窮宇宙內
欲幽探遍故應難

哈密爪至遣誠親王果親王恭薦

二陵感而有作

西極甘瓜熟來從包貢郵薦新遵昔例

癸亥謁禮畢貢瓜適至

陵

曾遣識親王和親王賁往恭薦

茶遠賴

前猷已覺雲山隔其如歲月悠較予應厚幸又得謁珠丘

錦州道中

築塲納稼野村閒羽蓋逶迤展

謁還七萃翹心指帝里萬年愉色奉

慈顏潦澄急水將慢水秋老松山復杏山盡是
開基用武地時平益切守成艱

題寧遠祖氏石坊

燧謹寒更烽候朝鳩工何暇尚逍遙若非華表留名姓
誰識元戎事兩朝

十月朔日作

山川越千里寒暑運高奔報本崇王業來朝服外藩霜
晞遼野潤節應小陽暄

蒸祀將頌朔皇都吉禮存

過中前衛

峰堡岡臺每相

入聲

望耗民無救墮明網極人久擅殺生

柄怯將徒稱守禦方極目一時警蹕路迴思此地戰征
場動關心懼仔肩重

祖業維艱刻敢忘

題望夫石

姜女祠前有石名曰望夫或云即姜女墓事雖不

經而有關風化故詠之

執役當時為護邊隕城堅節益姜傳牧兒遺火咸陽燎
片石羸他歷海田

山海關仍恭依

皇祖原韻

長塞滄瀛倚雄關碣石邊抱環四城接

南北二翼城東西二羅城皆洪

武時徐達建

延亘萬峰連兩度鑾輿歷千秋

聖製傳小陽仍問景弱水不論年禾稼納場圃人家富

井煙撫茲偃武會敢忘詰戎權戰蹟餘平野

關內平野
即破流賊

十萬
衆處人情譬涉川

丹陵迴望遠攬轡意拳然

再登澄海樓疊前韻題壁

拾級登岑樓復此俯巨溟寒暑幻冬夏日月浴虧盈界
輿光並耀際天色同青最鉅斯絕類守信故永亨蹄涔
易致涸注茲恒為瀛涇渭誠小哉徒分濁與清

再登澄海樓疊前韻聯句

有序

乾隆十有九年秋由吉林至盛京恭謁

三陵禮成旋蹕以孟冬二日入關再登澄海樓距癸亥
前遊周一紀矣闕壁間舊題墨瀋猶新爰續舉成
例命汪由敦劉綸用禁體聯疊前韻既暢登臨並
誌歲月云

御製坤載既盤礴坎德靡虧傾脈屬天地氣

量應朝夕盈朱垠際閩廣朔野奄幽營

再巡臨碣石

臣汪由敦

御製

重登俯雕甍梁適侍子舍

時梁詩正侍養南還

張騫返仙京

張照

已物故

壁詩猶好在

屋籌凡幾更螺丸大塊點負負岑樓擎霞標傍檻

真直

臣劉綸

御製

雪嶠羅牕崢東叟尋蓬嶼巨蜃吹層城霧露不辭受

壑谷容來并雲錦織廻紫玉繩接通明陽侯逞陵

軼

臣汪由敦

御製
嶽祗恣槌斫陣萬馬駭突圍千牛轟禁體續前例

罰期嚴後成魄毫蘸勺蠡塘餌投長鯨志怪蹟誰

覆

臣劉綸

御製求真才豈英一杯納日月億劫噓陰晴底事稱白鷺

奚從款紅蜻爰居享鞶韞鮫室眩煌熒藏積梵書

列

臣汪由敦

御製鉅最韓碑呈何無復何有曰虛亦曰貞赤石靈運進

綠綺成連行遠航越裳候奇賈賈胡評隱娥歸墟

守

臣劉綸

御製
颶母舶趕生珊瑚周其趾
蠙珠輝厥瑩壯觀向空廓

郵籤漫促程

過撫寧縣

驪城埤堦枕深河翠罕金根此重過
瞥眼昔時復今日
慰心歲美更人和
短長驛路郵籤數
宛轉遙山畫幃羅
應是士民奉清蹕
未教聒耳聽絃歌

兔耳峰

兔耳峰頭常罩雲

見誌書

果然玉筍矗氤氲
初冬喜見朝

躋蔚便望濂濂六出紛

夷齊廟

得聖之清孰與齊首山途便此憑躋為傳公信及公達
底較遼西復隴西宋代何須錫圭冕伊人本自視塗泥
史遷慨羨青雲士未識浮名本稗稊

夷齊廟四景

孤竹城

令支讓國先去聲延陵孤竹誰知中子名太白一篇真卓

識淮南尺布獨何情

揖遜堂

堂名揖遜是誰題
回跂平量語不稽
遷也亦知天道否
千秋尸祝屬夷齊

屈蟠松

清風臺畔屈蟠松
偃折盤盤翠越濃
高詠西山采薇句
果然無碍後凋逢

清風臺

灤水迴環曲抱洲崇臺百尺枕清流喬松古籟拂衣落
快與前賢共唱酬

遊偏涼汀作

灤州境內兩奇勝夷齊廟及偏涼汀肅謁清聖挹古貌
高臺臨碧為延停輕輿向南三十里橫山秀色蔚岌義
笑指面前灤水云急流先我來何駛蘭楸石磴登蚤緣
峰容波態相澄鮮遙思六月松下坐謾謾濤泛涼來偏
好景多屬化人國文殊問道維摩默摩挲往蹟辨金明

壁上有詩僧不識倚巖飛閣坐憑流昔年遊興一晌酬
舊作有偏涼汀畔水化民成俗令然不初心自問多增
待我再憑流之句

憂

重修豐潤縣城紀事

土垠經古縣甃雉儼新邑孰謂城郭繕而非牧民職憶
我癸亥冬迴鑒此憑軾粉堞盡荒廢頽垣蔓荆棘閭閻
亦散處寂莫難收拾或乃竊圯旣用以砌屋壁念茲繫
保障籌帑事修葺兼亦資贖鍰要不勞民力今來百堵

就崇墉臨浚室廬率改觀老幼多喜色月令有明訓
補築以時飭惟因歲久營匪闕民衆益

曉行即事三首

霜華人跡侵晨冷海旭纔升暖一川衣被萬方吾本願

博施惟覺慙

去聲黃綿

仲夏鳴梢啟六駢迴看納稼遍王畿雖云五月邊關外
祈歲心無片刻違

兩宵停蹕到皇都曉起翻憐七萃徒碑兀不辭鞭瘦馬

更無欲歇怨長途

恭奉

皇太后廻鑾述事

上塞吉林取道便

明裡訪慈展心虔山川往復五千里甲子周廻十二年

自癸亥東巡恭謁

三

武帳常承

陵距今年甲戌正周一紀

寢門豫都人喜迓蹕鑾旋艷宮悉得

開基蹟守業惟勤勵體乾

戲題盆菊

菊瀟灑物也今之花師束縛之整齊之失其真矣
適然有觸因以成句

經冬盆菊尚含新剪拂為容束縛頻幕向東籬遇知己
還應自愧折腰人

冬日瀛臺即景

金碧樓臺望欲仙幾餘攬結自東旋盆梅芳已傳冬節
庭樹烝纔別半年那得澄心延几席恰如過眼看雲煙

擬詢葺築曾何謂不覺難酬笑輟然

冬至齋居

子半陽生候齋居意倍虔端惟乾是體詎止座云遷
午夜塵無逸四時祈有年同雲天宇重翹望又依然

冬至

南郊禮成述事

吹葭解琯驗灰甬

大事躬承

泰時崇樂應黃鐘調七始禮陳蒼壁率羣公綿基仰冀
斯年萬創業新瞻故國東益信

皇天惟德輔繼繩責重惕深衷

冬至次日啟蹕再幸避暑山莊即事言懷

有序

粵惟今夏序屆天中當西渠來覲之辰適東國時
巡之會爰臨仙館慰彼瞻依廣錫宗封沛予膏澤

繼而西藩部長歸誠而均籲來同

時輝特台吉向睦爾撒納等和

碩特台吉班珠爾等均率其屬款闕內附時乃豐邑

祖陵展謁而方勤遠駕念彼生於邊塞入都則痘症足
虞因而再幸山莊頒賚而燕衍斯溥次惟三宿期
匝一句良由典重

郊裡屈一陽之來復更以節逢

慈慶祝萬壽之無疆茲惟時哉不遑暇處無非事者用
示懷柔長句述情新篇紀事

夙識義經不省方和鸞却事幸山莊惟欽昨始裡

穹昊必告朝還謁

壽康澤逮新歸盡見藻勞因屢駕
屋龍驤懷柔要豈耽
遊豫戎索方疇永奠疆

駐蹕密雲縣行宮作

塗火遄程指熱河新藩嘉與錫恩波
吉稱五十師三十

一日兼行倍半過

是日行一百四十里

行宮暖燭玉蟲斟列帳人寒念在心
經國遠猷應盡悉
不然豈厭九重深

至避暑山莊日輝特台吉阿睦爾撒納等接見

冬節山莊此重去聲尋衝寒為慰遠藩心開疆擴土非吾

志機輓人歸藉

帝臨

朕自登極以來初無用兵意邇年準夷內亂篡奪相仍都爾伯特輝特和碩特諸台吉率衆來歸先

後接踵既當為降人籌久長計且實有可乘之機皆藉上蒼默眷云迎蹕翹瞻猶卉服

詰朝寵錫易華簪薰風五月員渠宴壁上詩牋一再吟

錫封輝特親王阿睦爾撒納等謝恩朝見詩以紀

事

初秋款塞柏冬權山館來迎表寸丹

阿睦爾撒納以七月至即請入覲朕

因其未出痘命俟東
巡迴蹕至熱河迎謁

中國懷柔寧過厚遠人禮數且從

寬乍瞻大典身猶踖得厠親藩意倍歡

阿睦爾撒納同來歸附渠長二

十餘人各錫郡王貝勒公封爵均命為札薩克與內札薩克諸藩等

寵示諸侯王上位漢

家終是畏呼韓

賜宴輝特親王阿睦爾撒納等詩以紀事

黃幄高張宴析支懷音內面後先隨敷文底事稱干羽

施惠何難與解推疆場都欣効奔走

命阿睦爾撒納赴北路軍營以來年

出師意甚踴躍

衣冠已覺習威儀

來歸諸台吉皆賜冠服入宴時拜跪如禮

晚來燈

景還教預恰值冰輪正滿時

是日仲冬之望

即事

松塢雲莊往復還新藩三接恰餘閒歸心底眼窮邈外

繼踵頻來數月間

今年兩至熱河五月中歸誠之都爾伯特台吉策凌等迎謁加恩燕賚錫

爵有差比輝特台吉阿睦爾撒納繼至復以冬至後駐山莊受朝錫賚如初頃烏良海宰桑禡木特等降附則

因其已出痘即於京師見之

便擬皇風浹西海果然積雪看南山

南山

積雪為三十六景之一舊作有留觀直待到深冬之句

蜃牕萬景供吟凭冰磴寒

林懶試攀

乙亥春帖子

淑氣自東來生機達嫩茲老人書亥字壽世共春臺
欵塞聯翩集泮林人歸天與志惟欽德威速共東風佈
西極均懷面內心

甲戌除夕

夕不知何夕年將成去年燭花紅帶暖鼎柏篆騰煙澄
思迎新祉摘吟殿舊編斯之未能信島祭豈須然

御製詩二集卷五十三

欽定四庫全書薈要卷一萬三千三百八十一集部

御製詩二集卷五十四

古今體一百十首

乙亥一

乙亥元旦

青旗東陸肇三陽發歲開春迓萬祥寰海耕桑祈有慶
慈寧福壽祝無疆

天禧暘雨協洪範月竈衣冠會建章

時內屬之烏梁海部
禍木特等咸與

朝正敬畏一心恒不息更籌戎索奠遐方

歲朝試筆

威鳳鴻龍運斗樞履端首祚肇昌符共球會極自南北
府事歌功奉典謨銀燕祥凝春日帖銅仙慶叶歲朝圖
曉來三素雲東見聞說三元謁玉都

乙亥年逢乙亥正壽徵

慈壽祝傳生惟祈介祉增

王母底藉新詩紀顧清氣轉青陽思布澤化行勃律志
銷兵好春七日先新歲百福昌昌遍九瀛

乾清宮宴親藩即席賦句

俶春始運啟元辰曲宴乾清會懿親同有殷心祈上歲
從來樂事首天倫欣徵人壽樽浮柏漫詡仙厨脯擘麟
和氣一家時斂福便因敷錫萬方民

正月二日曲宴廷臣

泰階圜煦麗路寢向陽開共迓青韶祚堪陳白獸杯在

懸編磬舉入綴七槃迴簪黻頒新附

薩拉爾禡木特皆命為內大臣是日

亦在座
提封奠極垓五言羣可賦三爵漫須催莫我稱揚

亟佇茲弼亮才

正月二日降旨加賑去歲被灾下河州縣

普天樂新歲數縣鳴哀鴻念此嗷嗷民孰非懷保中乘
春宜布澤况彼四者惇叶南望沮洳鄉連歲鮮遇豐賑

恤雖頻施豈盡蘇疲瘥一夫不獲所飢溺吾應同面咨

授方伯

江蘇巡撫莊有恭朝正至
京禮畢即命回任查賑

接賑勅司農邇聞水

漸涸麥種虞全空速給耕及時或得飢腸充剔鬣乏良

方勤民惟省躬

題李成大禹泣辜圖

露収臨康衢下車泣罪人匪事疑惟輕豈博矜曰仁弼
教苟無術抱慙良有因痛茲桎梏者猶然堯舜民自以
心為心允由治未臻數世異醇漓三千年可知

詠玉鵲

公輸逞奇巧方朔識晴陰恰似來員嶠非同集泮林羽
輝真擬玉音吉式如金繹詠他山石風人寓義深

題倪瓚江雲館圖

泖中風雨過清明

倪瓚自記云清明後一日風雨阻泖中檢米友仁江村讀書詩補圖云云

命筆聊抒旅客情書屋江村補虎子閑簾開卦合君平

沙汀近喜橫橋接春水浮知野艇輕別裁去聲雅傳詩十

二刻舟惟是笑唐生

卷中唐順之題云倪元鎮補米友仁江村十二景余得於京師但恨

失去米書不意中復得之合為一卷寶藏之今卷中無米書然既得倪畫即不得米書亦無足恨故云

祈穀齋居

微霰雖飄望密零經冬顒佇不遑寧首勤農政祈初歲

仰冀

天禧佈始青人日欲迎輝勝綵元正甫過頌椒馨致齋
宴賞都無事朝夕疇咨引在廷

詣齋宮

太和

祝帛例虔瞻

別祭皆於中和殿視祝版惟
圜丘祈穀例於太和殿視之

詣次齋居

致敬嚴翠輦平臨黃道直皇州春色富閭閻

葩瑤金根迤邐排叩

壇闕亘典儀皆西墉一室明窓靜

齋宮在
壇之西

今昔年光入

緬懷

祈穀禮成述事

祈年寶殿集諸祥祭重初辛典制詳恰慶元正符歲德
喜臨人日祝金穰時和農稔陳恒願

天與人歸沐寵光更冀

鴻禧奠西極王臣率土樂安康

時準夷內亂來歸者接踵因命出師戡定之

紫玉韞

瑞玼

紫玉曰玼

輪圓恰中

去聲

規虛中聊命襲人為闥弦資力

那愁勁抨矢當機未可遲紀異空傳張匡鄴取端寧藉
庾公斯紫雲在手懸銀月雅似南山暈彩時

姚廷美有餘閒圖

山複松陰白晝涼蔭茅小築讀書堂恰如蔣氏開三徑
不擬荊人鬻五羊坐弄偏欣流水活起行遠謝世塵忙
展觀聊寄片時興思日孜孜暇未遑

人日

舒疊東皇橐籥權上辛昌節試辛盤錦裁天鹿春書吉

竹舞仙鸞日報安熨齒香風韭絲綠盍心生意菼芽丹
勅幾殷念勤宵旰省歲休徵叶燠寒

新正重華宮恭侍

皇太后宴

慈祥門對啓祥開西望鸞儀

王母來寶勝瑞凝人日帖綺筵

壽介紫霞杯和風未覺舒宮柳晴旭渾看綻殿梅入夕
九華迎令節更聞萬戶闌春雷

新春瀛臺即事

步輦平明出趨臺湖山氣象已韶佳
延樓綺畫連三島喜爆春聲達六街
報午蓮簫明遞漏向陽蕪毯隱留茲
雲容西北看來重擬綴天花點玉階

補桐書屋

倚巖書屋洒然清簾上韶光泛額旌
幾暇悅心古圖史新春行樂小蓬瀛
墨壺琴薦相前後舊詠新裁自品評
靜聽市聲真富庶幾多返樸廛予情

題千尺雪

假山皴石黛迸水噴冰花小擬吳中雪
兼陳惠上茶畫情饒是秀春物盡惟嘉
研淨甌香處心田沃道芽

閱古樓

精華四壁萃球琳通會叅餘怯背臨
獨喜惜陰澄靜照更因稽古契遐心

倪瓚水竹居即用其韻

水繞坡陀竹抱居蕭閒景趣寫無餘
綠含細籟經風後

潤帶朝煙過雨初問字惟應知稼穡著書何必注蟲魚
笑他阿那幽深處往歲無端目擊予

新正恭奉

皇太后幸圓明園

乘春行慶

大安扶歲歲仙園奉

燕娛迎節林光纔澹蕩向陽物意已昭蘇山亭水榭舊
題品銀燕金鳧新畫圖閣雪輕陰頻釀勢望滋麥壠幾

躊躇

春日含經堂

曦影窓櫺節紙紅
禮園書圃樂冲融
六經也自無多字
古往今來用不窮

顧翰寒齋話舊圖

竹樹蕭疎半欲凋
雪溪又報折梅腰
客來並坐茅簷話
漫擬高軒過訪焦

新正小宴外藩

樂懸爵坵設昌辰笑語無須藉舌人曼衍魚龍戲百技
髡拳撲跌力千鈞近筵賜飲酬嘉客列座傾心稱世臣
百歲懷柔安牧圉即看月竈普來賓

上元前日小宴廷臣

風物新春漸裊怡蟾光迎望印晴池重茵列座聊酬節
江研宣毫正及時爵不言三一巡足宴恒居後預開宜
比歲皆於十六日
錫宴今乃在節前詞臣底識偏榮幸綺席頻叨為解詩
花雲藕樹綵飄蕭節景仙園日報韶醑讌昔曾聞慶歷

賡歌茲益法

神堯

我皇祖昇平嘉宴同羣臣賦柏梁體詩係康熙二十一年正月十四日

摛詞早見

七言就獻頌休稱六幕調同有殷心希雪澤可能快意
賞星橋

梁師閔蘆汀密雪

院本橫顰識瘦金雪溪宛轉荻蘆深鴛鴦兩兩相隨逐
不為嚴寒異故心

鼇山聯句 有序

龍樹雞蓮艷名人之妍唱星橋鐵鎖徵綺節於良
宵時際昇平歲逢吉亥御

金輿於上苑介瑤島之

長春繡陌歡聲萬戶春雷競響璇霄瑞彩一輪明月將
圓黃幄張筵既名王之畢集華牋染翰復仙侶之
偕來爰命聯吟重循前例體標禁火湯疑寒食居
先題擬登瀛原在鼇峯最上添作西清之典故並
成元夜之佳談

御製不夜城中祇樹園天龍激水浪花噴駕來海上休稱
六

擎出壺中獨據尊樂事眼前呈萬象捷聲風外報

千門浮嵐妙具環瀛秀

臣傅恒

虛谷能回大造溫無

盡自堪叅動靜恒春那復計朝昏芙蓉削出三峯

華

臣史貽直

御製竹箭分從九派湓羣友銜花濯馴鹿跳騰拾粟捷飛

猿機心漫擬漢陰誚

鑿竅還看混沌存，霧閣雲樓蒸蜃氣。
顛崖禿樹嵌

漁村鐘聞遠寺僧歸錫

臣陳世倌

笛弄前坡牧縱犍，聯

尾舳舨浮綵鷁，遨頭憶蓋擁朱轡。
融怡方丈凝晴

翠

臣蔣溥

御製晃曜觚稜射曉暎，藕樹不根千錦綻。
鶯笙自譜六么

翻新安無骨，徒傳古

西域重輪詎絕垠，晡林光丹作纈。
參差石勢黛

皴礐月明緱嶺初翔鶴

臣汪由敦

風便天池欲運鯤，曲

曲畫屏橫可展羅羅星緯近堪捫昆鯨立處看疑

動

臣嵇璜

御製靈鷲移來峙更騫鵲豈公輸飛碧落人如曲逆舞埤

垣傀儡空說梁鍠咏

曼衍寧同漢室論趙壁一軍驚赤幟封姨八面護

花璠明霞界道相轆轤

臣劉綸

朗旭凌濤恍簸掀定

有網維空際運誰教線索指端掄低昂水碓遲還

速

臣裴曰脩

御製 徃復縑車寂亦喧
巧幻想曾探月窟
竒蹤直欲遡河

源牽絲刻木神全出

倒擲尋撞手競援
萬點遙臨華渚動
九苞先暎慶

雲屯潛宮犀徹俄
驚嶠

臣介福

古戍雞聞每起琨
舍

利眩形齊躍躍偃
師導舞屢蹲蹲鏡
邊鸞翮時離

合

臣嵩壽

御製 額下驪珠互吐
吞馬似欲行還乍
止客疑對語却無

言王珪傑撰誰能和

張說新詞試再繙索籥吹噓彰品物端倪豁露闕

乾坤拂桑綺散東西崦

臣觀保

籥電塵銷大小宛砂

步通林窺鼠馳虹梁飲練駕鼉鼉露盤曉滴銅人

掌

臣彭啓豐

御製乳竇春融玉女盆威鳳祥麟相霍靡金鳧銀燕鬪紛

緼游絲影裏光無定

刻漏聲餘聽有痕貝闕三千開馭娑層城十二儼

崑崙化人菡萏璫瓏塔

臣于敏中

仙子簪簪詰曲樊列

缺施鞭頻閃閃倭佺舉袂或軒軒
光音天捧優曇

現

臣董邦達

御製妙鬘雲籠佛日暄明處琉璃渾作界
靜來道德即為

藩底須園史能談夢

好與坡仙共紀恩影颭流蘇紛絡索
氣蕪芳苾發

溫磨媯皇奠後長扶極

臣錢維城

龍伯持將不藉舳輿

頌康衢諧徵角賡歌

秘殿叶麓塤於今勃律通重譯

臣金德瑛

御製喜見呼韓侍九閭奢戒乾淳誇百種奇傳列子戴三

番昇平嘉夜同人樂保泰殷心勵體元

上元燈詞

燈事樓西萬景融晚來更定紫瀾風人和歲美叨

天賜合展新圖共慶豐

受吏康居後呼偈來庭烏弋與黃支去年萬樹園中景

去年都爾伯特親王榮凌輝特親王阿睦爾撒納等先後歸附宴於避暑山莊萬樹園皆設火戲賦燈詞紀之

例此重開莫湯遲

鼇背銀山雪海濤宜人節物玉梁糕乍見青煙飛碧落
旋看翠火綴蒲萄

捷報春雷是喜聲功參橐籥蟄蟲驚明朝試向東園看
綴樹花開萬朶榮

炬樹千行輝鶴燄星橋百道爛蜺膏宋家兄弟塤篪叶
一自清貞一自豪

吉祥雲擁慶霄樓

王母來臨樓上頭祝壽外藩將內吏承

歡萬載復千秋

玉蛾銀燕一番新
今歲元宵倍可人
只有西山剛對座
年年如是翠嶙峋

已看火樹呈嘉夜
益冀瓊花被大田
百歲昇平匪易致
持盈惟日勵乾乾

新正萬壽山

幾務新正暇有餘
名山咫尺一尋諸
連林翠色知猶勒
壘嶂韶光覺漸舒
湖濶還存過冬鴈
春來已陟負冰魚

心殷望雪日滋切南畝應臨舉趾初

樂壽堂

山水智仁德春秋樂壽堂題名標有志游息勵無荒窓
罨煙雲態座圍翰墨香少停旋命駕自哂為誰忙

惠山園

玉蘂山茶古榦梅唐花不較地爭開何當圖畫天然裏
借得梁溪烟雨來

自玉河泛舟至玉泉山即景雜詠

春入年前氣已暄
玉河解凍水沄湲
輕浮畫舫纔經刻
早喜沿流遂得源

柳眼將舒弱自扶
水村山墅接川途
箇中頗有豐年景
疊鼓聲喧賽紫姑

耕織圖邊一艤舟
來觀織作豈來遊
萬方衣底吾恒願
張氏還嗤為已謀

靈源不凍碧波涵
松籟嵐光愜靜叅
指點壁間題綠字
云何瞥作隔年談

春日玉泉山

山水清暉効靜真，棣通土脉潤無塵。
依然庭宇原如昔，底事情懷了向新。
暗竇明亭生色畫，唐花溫樹可人春。
上元本意田蠶重，雲出何妨魚疊鱗。

竹鑪山房試茶

春爐煮春水，春茗滿春甌。
却笑相如渴，寧同陸羽流。
湖光簷上下，山色鏡沉浮。
一晌思靈隱，冷泉亭上頭。

燕肅春山圖

可望春山萬景賅高人榮杖共徘徊恰如摩詰尺魚寄
招得關中裴迪來

唐花謠

聞道恒春乃洞天四時花發誰使然女夷已假花師柄
花師得竊女夷權女夷過非花師過柔紅嫩紫紛無那
廿四風番信全爽十二月令名虛播冬葩夏葩無不有
速成還恐遭先朽黃山松樹笑蒼顏共渠且作忘年友

春陰

過午方熹微入夕漸霑霽顯澤經三冬希恩切五内山
峯隱欲全地氣酥方載燈事亦已罷閑後靜可愛而我
安能靜露立瞻雲在

遣興

焰炮春釭荔撒筵每因靜致驗華年遠村底事猶鳴爆
淨几聊堪一展編楊震四知何謂弗帝堯三宥想當然
園林懶涉韶光穉却是韶光穉可憐

易元吉聚猿卷

刻意入山居

錢舜舉跋云元吉初師趙昌耽居其下乃隱深山陰窺猿狙變態曲盡其妙

傳

神寫戲狙詭稱君子變沐比楚人如掛樹騰而迸飲泉
軒且渠不因耽置酒羈絡詎加諸

詣

暢春園問

皇太后安

上林行慶奉

徽慈日日承

歡祝介眉安樂歌中度華節商卿雲裏

駐瑤池柳稊福地爭先發冰泮靈源不後期春永

壽萱

園中
后所居殿名

皇太香穗細民依政要奏移時

昆明湖泛舟

暢春詰旦問

安迴閣部封章畢攬裁便路還因幾有暇泛舟正喜凍
全開

鳳池春水碧溶溶雁已迴翔魚未噉却見湖心望蟾閣

晶盤擎出玉芙蓉

會波樓畔進蘭舟似酒新波綠正柔一帶西山恍三竺
隄煙拖際影沉浮

花胎寒勒柳條輕詩品虞鄉最有情一字由來不曾著
風流盡得是昆明

藻鑑堂

湖心構築中有池表裏映徹涵琉璃水態雲容冰泮候
日麗風條春淺時漾舟恰到澄鮮處不頻來即欣始遇

蜃窓鈿几一憑臨
題額當前觸體悟
朗朗何能似德操
汪汪且喜挹叔度

景明樓

隄上高樓一徑通
六橋暎帶柳絲風
迥連上下天光碧
分入東西水影紅
謝朓詩情摹霽景
仲淹記語寫澄空
汀蘭岸芷芳猶未
鼓動生機寂靜中

石舫

畫舫輕移石舫邊
維之小憩紫茵筵
異同不必生分別

一例空明萬頃天

水周堂

一帶壽山右數間明水湄圖書千古秀煙月八窓宜蒲
芷微馨動松篁遠籟吹西峯雲吐重甘澤願乘時

雪

正月二
十七日

澤華紛撲復攢團密勢濃陰釀峭寒望過三冬猶訝夢
校來五寸得差安方圓圭璧皆成象次第園林頓改觀
况是紐芽遲麥壠及時心為扈農寬

雪中萬壽山

位置林亭為暢懷憂來祇益鮮推排試看咫尺依然在
何事今朝始覺佳幻似芳韶發萼萼潤從孚甲達根茲
濛濛遠共溪煙合喜與俱之詎有涯

即事四首

望雪心憂得雪喜吾心憂喜摠因民今朝饒得看山色
始覺仙壺別有春

昆明萬頃鏡光開煙意空濛泛艇來比似瀟湘米家畫

可能兼有玉山裴

松猶蒼翠柳垂珠散湯迷離幻有無識得女夷工點綴
瓊葩紛綻錦春圖

六橋那辨水西東鳬雁聲聞緬邈中
恰憶前春聖湖上
雨絲風片不同同

雪中泛舟至玉泉

為愛迷茫態聊尋汗湯遊著波原是水綴浦不分鷗玉
障一川外梅花萬樹頭本來覓詩者莫認訪人舟

前日謁靈宇

以不雪禱於玉泉龍祠

抒誠冀沛恩由來霑尺澤始

覺沃心源山色銀鱗鱗泉聲趵突翻勾芒幸未達慰聽

老農言

麥方長而遇雪則易傷老農云今麥始紐芽於雪為宜

峯痕青半減松色翠仍凝辨得操金石何妨冒雪冰收

來清莫比烹出品全勝第一泉應道毋寧要以恒

泉品以輕

為貴莫輕於玉泉惟雪水較輕然雪水不恒得故當以玉泉為天下第一予於記中嘗詳言之

弄珠室

嵌巖得精舍虛窓俯清泚光明照幾乘錯落呈萬琲叶

濟南將衛源同異何彼此池魚那慮殫辯窮淮南子

近青閣

瑤嶼青雲表今來迥不侔花霏銀錯落枝綴玉雕鏤遠
俗諸緣靜迎人萬景投未關吟緒逗片刻也應留

玉泉泛舟之作

玉河達玉泉涘止舟便繫入園更進舟靈源波浴翠峯
影落畫綃鯨音引禪思靜契一泓深澄觀萬物備

題宋人鵲鴿圖

獨立乾荷上而無飛鳴音設非錦里意定有陟岡心

鳳凰墩

漭沆俯神池岩崑聳畫楣將融樓雪重欲泮渚煙遲繪
事窓中納芸編座裏披予心生慕處韶樂九成時

長河進舟川塗即景三首

時復凝雲時復晴漾舟春水一篙輕王郎體物真奇絕
大似山陰鏡裏行

兩行隄柳嫩纔稊誰貫明珠萬縷齊却憶衝煙開畫舫

垂虹橋在廣陵西

寺枕長河古樹森了難著語去來今闍黎望幸非孤負
且聽鳴榔軋軋音

樂善園

別業枕長河天然具丘壑積雪淡無痕韶春欣有腳巖
谷耐幽尋池館足清託蕪向陽鋪茵梅不烘舒萼發生
咸善機吾心契真樂

曉春瀛臺即景雜詠

春祈將屆還清禁西苑因之路便臨都為前朝甘雪足
仙臺物物悅予心

液池新水嫩鵝兒浮拍蘭舟畫裏移却憶冰嬉曾幾日
迅於駒隙莫如時

簷間雪是嶠山雪試問支硎更藉無恰喜收來仙露潔
竹爐茗椀試斯湏

明亭曲砌淨無塵和淖昌昌報好春却上慶霄樓上望
畫屏直北玉嶙峋

道寧齋

液池冰已泮著處可橈停窓納峯遙白階含苔嫩青韶
光纔醞釀春物未薰馨靜觀去聲孰無志艱哉以道寧

畝鑑室

千年古井事新淘山半渟流學濮濠何必本來較高下
鑪峯還比瀑簾高

看畫廊

迴廊詰曲稱看畫看者原為畫裏人步步景移朗朗照

故知倪范鮮精神

春日齋居

致齋居朶殿明裡屆春祈積玉駕瓦重稷雪復霏微
穉韶已盜鬯體乾凜奉時望澤三冬過翹心午夜馳旋轉
賴化工忤慰寧有涯

二月朔日復雪

先集纔看霰頻施恰及春山如重戴玉池似屢鎔銀優
渥三農慶欽承大造仁獨思郊野外寧乏凍僵人

落迥纔飄墮鋪墀漸委繁過時休頌瑞及凍得稱恩乍
覺皴雞樹何須宴兔園遐心到齊豫曾否遍斯番

入畫堪稱活乘春普被膏梅心真是潔松頂得能高融

溜垂鴛瓦餘寒切毳袍王臣莫西海跋涉厯勤勞

將軍班第

永常等帥西北兩路官兵進討
準噶爾時已在塗故念及之

玉雞

誰琢峯山璞宛看陳寶雄詩傳丹禁裏經注洛川東猜
晚如思鬪軒心那就籠宵衣陳座右可擬詠齊風

題張宗蒼秋景

黃葉村中釀熟時
旅人紅頰影鞭絲
高樓亦有遶飛者
宋玉繁欽更若為

山東巡撫郭一裕奏報得雪

青齊昨歲秋成好
冬麥乘時佈種寬
望雪心寧異遠近
今朝為爾喜加餐

雪後

雪後宜晴暖
青陽萬物滋
溜垂高下瓦
澤滿城平墀
齋

處幾多暇時和敬益持鴻鈞普汜被與物共春熙

文伯仁秋巖飛瀑圖

瀑奏琴瑟聲巖張錦繡色錦繡較猶俗琴瑟擬豈得高
人世表致聲色詎能域造物無盡藏耳目之所食

春祈

社稷壇

物土敷壇五色方

祈禋親詣練時良夏松殷柏對誠安

后稷勾龍配克當八政農先誠國本四時春首祝年穰
前朝甘雪霑優渥舉趾東郊正叶祥

承光殿

祈春迴法駕路便一登臨雪積西山遠波涵太液深盆
梅新歲色庭檜古時陰韶景融芳潤因之暢素心

詣

暢春園問

安後遂至萬壽山即景雜詠

駕轉詢

安詣

暢春

高年佳祉並春臻
邇來雪後心多慰
便訪名山趁好辰
陽崖土潤生芳草
陰巘雪餘皴
古松嶺頭南北聊憑望
董策分明春勝冬

昆明冰泮下鳬雁
色色形形豈強上聲為
仁者見仁知者

知義又不待繫之辭

鎮波金牒飲溪流鏡影新開一放舟耕織圖邊恰艤岸
從人湯擬女和牛

清可軒

山陽放舟山陰泊捨舟拾級窮巖壑曲廊窈窕達幽軒
翠壁一房清可樂詩鐫滿壁歷年心向來憂喜何處尋
嗒然了知昔非昔底須更道今斯今

翠籟亭

仲月始載陽萬木未向榮連林雖罅兀愛此翠籟亭太

古有真韻四時不改青窓畫無盡藏簷吹去聲有餘清謾謾寥天一非人間色聲

鏡橋

冰鏡寒光水鏡清清寒分判一隄橫落虹夾水江南路人在青蓮句裏行

墨妙軒

佳處敞軒名墨妙導之泉注頓山安茗華兩壁千秋粹即境神詮欲契難

微雪

望雪纖雲生亦艱
既雪易雲雪亦易
西山蒼蔚復藏曦
粒霰傍晚霏微墜
不雪固可雪亦佳
又虞凝寒勒生意
告六出花寧且停
為三月雨占農瑞
大哉天地猶有憾
吾安得俾斯人心
各遂

題陸治桐陰高士

童子烹茶石鼎煙
桐陰日午且高眠
不雕朽木雖鳴鼓
無礙仍稱言語賢

晴

粒雪微零傍午晴隄煙潤溽柳條輕已看芳埭都含澤
不礙新荻各向榮歷歷景光繪江國明明春色麗皇京
邇來時若堪欣慰益惕吾心戒滿盈

河南巡撫蔣炳奏報得雪

優霑春雪報中州慶為三農卜麥秋亦慮征人勞跋涉

權其輕重喜勝憂

時西征軍士分隊
進發方歷豫境

題張宗蒼山水

湖山表裏湛華滋
惜景高人蹠步遲
譜入聲詩真恰當
鬪頭童子抱琴隨



御製詩二集卷五十四

總校官庶吉士

臣侍

朝

校對官檢討

臣

郭

寅

校對官修撰

臣

張書勲

膳錄監生

臣

張元信

膳錄監生

臣

彭希純

欽定四庫全書薈要

集部

御製詩二集卷五十五

十六

詳校官原任編修臣徐立綱



欽定四庫全書薈要卷一萬三千三百八十二

集部

御製詩二集卷五十五

古今體九十八首

乙亥二

擬皮日休雜體詩

有序

皮日休集中有雜體詩一卷自序謂由古至律由律至雜詩之道盡乎此而推其源出於樂府其言殆近於夸夫四始六義者詩之正至於雜固其緒餘枝末耳游藝閒情涉筆成趣文心所至出奇無



窮大雅不廢良有以也幾餘多暇戲擬其體間亦
自出新裁具錄如左

擬雜言

刻漏丁丁刹那不停日復一日百年此聲云是現前瞥
然已遷去來今者名也非堅謂學佛言佛無我分了當
忘物不可為訓暮月三年宣尼有言知人則哲堯舜猶
難慎言謹行古之君子恕必恕人責斯責已曰褒而貶
曰刺而譽三代以降此風紛如

擬齊梁怨別

為妻莫為估客妻
今日伯勞明日燕
夢中屢往逐郎遊
屢往逐郎夢亦倦

擬瀛臺曉春迴文詩

煙籠柳岸移舟櫂
雨過桃蹊散步鞦
妍景盡同春日曉
脆聲管似鳥音諧
鳶魚妙趣悟飛躍
巧質論文諭陞階
蠲靜慮惟耽日永
法書叅學辨痕釵

擬四季四聲四首

平聲

和韶迴年光鴻鈞融青陽芳葩含宮梅輕煙縈塘楊新
畬耕人紛名園遊驄驤佳哉皇州春同民欣時康

平上聲

披薰於南來撫景喜長養風荷多幽馨雨篠滿好響乘
涼蟬鳴枝守靜鳥止幌高齋云何耽古史每在掌

平去聲

高秋清宜人暢步信快意涼風飄庭桐墜露湛砌桂寒

砧鳴遙村素扇置翠筍西成欣豐穰庶備望歲計

平入聲

元英旋璿璣栗烈忽朔節氤氲生同雲浙澁落密雪多
貧思茅簷獨樂惡玉闌惟餘烹三清畧覺適寂悅

擬春日疊韻詩二首

東風蓬冲融露樹固布濩坡莎多婆娑步履佳顧趣
町迎晴爭耕只此使已喜芳塘常徜徉綺蕊美以始

擬君臣雙聲詩二首

皮日休亦有此體然疎杉冷鷺字母雖同屑齒音
韻之間未盡善焉今以一韻分平仄較日休為尤
密云

顯賢佐明命民閔切一意慎身敢忽荒兢敬懷敬器

視事授為位深審資恤宣出處合道德私思去聲莫倦蠲

擬言志一字雙聲詩

既成前體又出新裁想無祖鞭自我作古

春風風萬物春雨雨一犁解衣衣賢能景行行仰兮

擬閒詠以題十五字離合五首

楓香磧

愛看紅葉栽靈木
風籟含香度
壠禾日日乘閒樂
泉石間關還聽鳥聲多

農畊好

催畊布穀鳴林曲
辰吉相將事力田
井井鱗塍來饁女
子牽童抱繞身邊

眺閒館

山川奚必窮游目兆朕忘時道義門月色風聲堪共食
官蛙一任雨中喧

志鏡泉

耳聆快處如談士心合元來似斷金
竟日不須雙眼白水情雲態足澄臨

哦詩趣

王規尚有談天口我亦安能鎮忘
去聲言寺憶雲林廊下

走取裁愛是冷泉存

擬懷錫山藥名離合二首

錫山曾遊憩處也今見日休此作不覺神往暗竇
明亭之間適獲我心一依彼體

九龍憶得春光淡竹徑僧房有路通草色鋪茵香菊鬱
金輪頂禮法雲中

上方結構靈山半夏日何當坐聽松香界現前心獨遠

志依雲水鎮重重

錫山有
聽松菴

擬前題縣名離合二首

惠泉名久擅東吳橋外煙光有若無極目拈毫得句秀
水鄉遊興幾年孤

一棹梁溪徹底清平明登岸訪山行唐時逸少人如玉
山寺依稀有泐名

擬四詠四聲詩四首

日休四聲詩曰平聲曰平上曰平去曰平入今以
專聲成什畧示別裁其四詠則仍博士公齋各題
長短彼原不拘六句茲歸一律

小松 平聲

黃山新移來
童童低枝松
虬騰洪濤翻
龍蟠青雲濃
休論岑樓高
凌霄終能從

小桂 上聲

幾本牡菌種
待長短且小
朗朗影偃蹇
綦綦孳窈窕
隱遯所以乃
綺馥引靜抱

新竹 去聲

傍砌種嫩籜
介蒨候鳳至
露重翡翠幹
籜籜泛夏濩
吹競

醉向秀輩傲世寄素志

鶴屏

入聲

隔席列縠幅孰作玉立鶴落落欲匹鹿啄啄不屑雀逸
質結遄躅霍嶽雪翼託

擬花朝離合古人名二絕

草向秀坪輕染色柳和凝靄淡拖姿山居易白覺春光
好心若虛張舟不繫時

花色融日將舒萼蕪謝元冬盡發茲四顧歡情信何極

登樓望遠思悠哉

擬江南曲縣名離合五首

皮日休無此體陸龜蒙擬古而不用離合偶拈縣
名成句並各以首句為韻

魚戲蓮葉間徘徊自覺安溪風動翠柄珠露傾團團
魚戲蓮葉東明霞入水紅吳娃盪槳去為妬花相同
魚戲蓮葉西林光漾遠隄採蓮發清謳爭出越來溪
魚戲蓮葉南樂意浮波恬花瓣落明漪闐然相喁噲

魚戲蓮葉北流綺渺何極潛躍隨所如鵙鵲窺不得

過通州

上

陵時節近清明曉發鳴梢出帝京樹杪遙看塔影矗移
時隄外潞川橫

雪餘芳埭不生塵隄柳籠煙色漸新
喜輕輿憑望處
青郊土潤有畊人

郡城埤堦枕河涯煙樹參差萬戶披試上高樓
眇空濶

也應並入謝家詩

楚尾吳頭通一水幾多舸艦泊河灣往來為問營營者
名利誰除兩字關

春夕白澗行宮作

廣甸諸籟靜澹蕩春宵清春雲時聚散隱現春月明別
館時停驂即事多怡情宴息戒懷居書史供研精妙理
資探微景行在躬行

翠雲山房作

春冬無改青雲蔽明亭密室宛轉通千秋以上幾編史
半日之憩十畝宮風清月白儘堪託今來昔去其何窮
蒼巖拔地有絕識不著一語參穹窿

題翠雲山房松樹

創築巖齋就種松今來翠幹欲擎龍因知得地成原易
會至叅天孰與從

恭謁

景陵敬成長句

有序

皇祖陟遐於今三十餘載每謁

景陵追溯

音容不勝感痛今歲適有西師之役蓋準夷自

皇祖時恃其險遠鷗張絕漠比遭篡奪部衆分奔內屬
者襁至踵接因命帥師徂定仰藉

鴻庥敬成

夙志祇申默禱紀以長言

比歲來瞻匪事頻吾衷有願此虔申

音容日遠仍如昔松柏雲森又報春伊古

一人信魏蕩大清九寓盡臣民西師欲歲

當年志還冀

鴻麻奠漠垠

桃花寺行宮三首

山桃蓓蕾欲開花昨日春陰寒轉加不肯一齊都放了
女夷今解惜韶華

寺側軒齋可十楹有松蒼古有泉清泉聲松韻相酬答

七字其間適爾成

虛窓含遠臨無地老枯拏空帶有雲排遣塵縈歸淨業
來叅大塊箇中文

獨樂寺疊去歲韻

梵宇維新又隔年經過小憩淨廬筵了無諸慮翳心鏡
喜有羣峯削掌蓮不識寺僧誰說偈何如春鳥解芸田
行雲流水叅今昔謝孟嗤他較後先

薊城西

策騎春日薊城西凍蘇脉土多淤泥前旬甘雪太優渥
却教農父遲翻犁北方地高例愁旱方欣膏澤及時善
過潤艱耕乃見茲對之又為愁展轉高原下隰難齊均
彼難均者皆吾民此地去年况遭澇麥秋亟望調飢貧
春雲邇日頻沾浥願雨高原停下隰鴻鈞應物本大公
豈似人情分等級

駐蹕靜寄山莊

旋輿路便訪雲關別業依然松石間太古由來自人世

花朝恰好度盤山明亭暗竇聊云美行攬居吟未可刪
五日為期何太速萬幾待理敢耽閒

半天樓

名山纔隔歲是日聊垂閒雲外坐高閣天風吹袂寒乾
坤無盡藏誰云眼界寬春來草始綠冬過楓留丹撫壁
吟前題了知無徃還

雲林石室

碑兀穿詭石徑仄竒松稠陰崖雪已消垂紳瀉寒流笠

亭棲嶽寄坐來窓壁幽一靜屏諸營萬景任紛投大士
常住相莊嚴閱千秋古鉢吐芳蘭願從聞思脩

花朝作

洛陽花朝二月二浙湖政用月之望設使女夷果設恍
兩處參差何所向北寒花朝每無花無花何礙花朝嘉
田盤松石自太古豈識時世裝鉛華

古中盤

中盤之古唐以前泉甘木茂猶疑然穿松度石造其阻

山空谷靜真佛所盤阿精舍乃一亭到來小憩忘色形
陰磴冰紳幾條白春嶺松蓋千層青英英雲氣封中吐
蓊鬱靨黳彌四宇崎嶇向逕忽已迷玉海青蓮花上處
青蓮花上處無何豁然開朗乾闥婆迴薄萬象叅紛羅
古中盤者悟者麼

過少林寺

少林經過湯留憩結念上方雲外層祇箇禪房快披賞
摘毫飛興我原曾

上方寺

嶽寄曲棧草生新
問景田盤隔歲人
徃徃泉聲鳴石底
明明雪色挂崖垠
谷中朝靄常封寺
樹杪山禽解語春
却到上方諸品淨
綠窓一一印其真

東竺菴壘去歲韻

適從上方來稅駕
聊於此一以憩衆
勞一以暢予喜陽
阿氣先暖古杏吐
新蕊巖山聞絳雪
捨是無他矣去歲
偶成圖今朝悟斯
旨

雲淨寺

黃緣蘿逕通嶺復棲花宮
大士禮金色層樓坐碧空
奧曠恣心賞奇秀窮天工
閒雲真淨淨遠春方蓬蓬
藉曰戒綺言其如吟興攻

千尺雪

遊山乘好春言旋未卓午
山莊咫尺近依牆構軒宇
下馬每憩茲三楹清爾許
迥落千尺雪平貯一泓渚
松濤泛上簷峽籟翻底礎
或為勇丈夫慷慨悲歌舉
或為兒

女子嘯嘯相爾汝或為金石堅戛之鳳來舞或為絲管
脆奏之行雲佇竹爐亦在旁汲取活火煮無色聲香味
誰能信此語

再題半天樓

切顯高樓倚碧岑虛窓納遠豁清襟向來跋馬山中路
幾片雲封靜且深

朶山亭

亭據朶山巔朶山抱亭內可號青瑤屏又如虞氏敦宜

居佳羨流不然李杜輩塵襟恐弗當聊此託清愛

池上居

一泓含碧鏡光披鏡面仙居架石為樂水適因俯春水
此池真可號天池招來野鶴原無繫放去飛鳬任所之
時有進活鳬者放之
池中任其飛去也朝暮煙霞望月崇情幽槩總相

宜

婉孌草堂

堂中懸董畫摘取以為名崑山將田盤南北何殊爭石

激韻冷玉春松挺雲英婉孌信婉孌遠俗惟延清望古
生遐思邈焉難抗衡

學書

底論元常及右軍幾餘養性自懷欣學書亦可通為學
心欲和平力欲勤

題董其昌婉孌草堂圖

草堂圖掛草堂壁宗伯風流想像間一至田盤吟一度
興因神會趣因閒

小石城

造物雖無私亦自有界限石城非人為磊磊連巉巖俗
子豈得入仙客或可欸那藉虎豹守祇以煙霞筦而我
常往來興正復不淺

對瀑

聲是喧中寂形從峙處流豈知千古逝堪使萬緣收謂
動全含靜當春解作秋松濤和石瀨意氣絃相投

草色

盤中草色日芊緜
露氣煙光暎砌鮮
莫怪人間春尚早
桃花源裏是先天

韻松軒

古幹無風常作濤
謾謾靜定動亦定
枝上春禽送好音
似與松聲相協應
弄影偏宜夜珠掛
藏形除是朝嵐凝
蠲滌萬慮謝塵縈
全喬得之以養性
視於無形聽無聲
吾方用此通為政

再題千尺雪

洒然茶舍俯流泉茗椀筠鑪映碧鮮陸羽陶成聊韻事
箇人合是箇中仙

暖

繚曲谷朝陽廻環山列屏暖律先盜春韶光已可憑石
罅莎含綠阿邊柳舒青臨高縱遙目潤土爭新耕萬景
紛吾前惟是足怡情

題唐寅品茶圖仍疊其韻

壁張墨戲寫烹茶汲雪因教試薺芽正是盤中春好處

撫松坐石意為嘉

澹懷堂

山深乃藏真地靈始啟秀襟懷屬人澄亦藉境緣湊諸
葛悅澹泊妙蘊無不囿所在輒名堂於斯名更副座上
披陳編窓中列遠岫近玩欣古芬遙騁得新邁冲融養
吾真毋使天機冠

千相寺

東谷寺較少千相乃稱絕山莊喜不遙雲逕幾曲折亂

石穿磊磊幽泉度
泱泱花宮忽已到
淨土真堪悅調御
祇獨尊千相名誰設
昔聞有古德於此棲巖穴
木石為寢處
虎豹相玩狎
一朝遇良契
枯禪悟指月
把臂送出谷
落淚殷勤別
既云物我空
此又如何說

慈山遇隱者
事見盤山志

陰

山雲傍晚重
靄靄千峯月色韜
春宇籟聲息
巖松春雨無不佳
望澤心何窮
昨見薊城西
太潤艱耕農
又覺不雨可自問
將奚從

天成寺

春煙壑靄幻松杉崖口繞過迥不凡
漱雪泉聲飛萬澗
千雲塔影出千巖
山蹊似畫還饒步
寺閣如船只少帆
坐靜惟聞鈴鐸響
梵音界裏悟華嚴

萬松寺

昔來見松枯惜謂松遭劫
今來見松苑幽懷為松悅
惜悅皆儻然裁成亦有說
蒼松本壽客何致生意滅
徘徊思其故
叅以所聞閱
寺僧圖目前
繞樹剥膚甲
取以供

炊爨裸立何能活因之剷材鬻牟利誠不拙吁哉貞幹
質枉使遇摧折申命禁所為毋俾生機泄枯枝及落葉
儘可煨楮拙留松為山姿青雲常護法亦可招客來施
檀仍爾業此禁不數月守令如守偈蒼松果迴綠重見
蔥菁列百丈挈翠龍森森鬱岿嶕菀枯松不知惋惜吾
何切晰理及輔相願因通理物

青峯寺六韻

初地今初到青峯最上峯千秋金相好一朵翠芙蓉松

籟風中靜莎茵雨後濃福田非所慕

是寺新為修葺

淨業偶相

從境是琉璃界僧忘洞濟宗詩成跋馬去雲外聽鳴鐘

雙峯寺

層椒覓路敞禪關
仄徑流泉度幾灣
幾暇聊因閒策馬
春陰端是稱遊山
平陵傑閣真宜眺
背峙堯峯杳莫攀
好景山靈藏不得
何人竒句破天悭

法藏寺

雙峯法藏近尺咫
石棧縈紆能令遠
一帶禪林欲畢遊

雲扉蘿徑窮，委宛草亭靜。
對盤龍松，太古色滿清。
聽滿圖，其大概歸細吟。
坐久恐防行漏晚。

雲罩寺三首

人行谷口雲猶罩，及到峯頭雲盡開。
妙義此中應了識，天龍歡待攬山來。

層樓開牖納天風，梵網簷鈴演色空。
迴視雙峯將法藏，寶珠光在翠雲中。

精藍小憩坐山樓，樓上前題著壁留。
即此便成常住相。

誰云駒影迅於流

盤龍松歌

何處無松盤山之松天下松之宗盤山何處無松法藏
之松盤山羣松之祖龍十餘年來將謂田盤大略吾遍
考孰知盤龍之名今日吾方曉乃知理境本無窮誰能
一一研精討昨夜不曾夢非熊胡然而遇渭濱老盤之
龍之而鱗甲拏雲空傳神如遇陳所翁龍之盤偃蹇天
矯蟠空山設色不須楊契丹偃佺曾此食其子香聞應

遍一百里

述異記云千年之松香聞十里

田疇不賣盧龍塞其時佳

蔭之下常徙倚是松真龍非龍不盤宇宙萬劫雲翠
濤寒

遊山迴至山莊三首

明廷咨政過辰牌乘暇春山一暢懷却入苑牆迴首望

定光塔影白雲埋

是日到雲罩而未登塔

一往來遊窮六寺或初到

青峯雙峯法藏

或舊曾經

天成萬松雲罩心

中攜得盤龍狀便與乘閒寫色形

法藏寺內盤龍松古翠宜人歸而圖之

時晴時晦幻千巒信是山靈技畢殫幾首詩休作詩讀
合如記里畫圖看

雨

蔚蒼朝來重旋成細雨霏坡茵齊綴琲嶺樹亂棼絲有
喜遐思麥無聲暗濕衣薊城艱種處又為念依依
春是農耕候雨為天地仁不應分畛域益用戴鴻鈞峰
色況如沐耕畦正好巡壺中有真趣步步更無塵

題農樂軒

農樂必西成春田始載耕雨中景雖好自凜戒言盈

冷然閣

遊山思小憩高閣翠微裏下臨無地虛仰視諸天咫尺非
風松亦鳴有石雲同起即目不遑他會心率於此精義
一以契常言亦佳矣

雨中千尺雪

濕絲時止復時零煙意千山幻色形茶舍到來閒便坐
石泉宜向雨中聽波涵靜渚心同澈雲住高峯態自靈

明日輕輿歸路好欣看膏壠麥含青

得概軒春望

向遠開軒稱得概偶來恰喜織廉纖高原下隰尋常見
雨笠煙蓑取次拈不礙濃雲四五片纔藏遙岫兩三尖
誰知連日山莊住爾許詩情此際添

雨中登半天樓

細雨了不寒春山恰如沐肩輿衝煙絲雲壑度幾曲巖
樓號半天每到延清矚雨景得始遇秀潤罨林麓遠甸

耕濕土何人叱牛犢布帳開細溝何人課童僕雲罩祇
聞鐘山僧却眠熟

雨花室

雲深峯影幻葉重林光漾天花散半空月牖納千嶂觀
為喜世界聽作清供養必曰曼陀羅是名著色相

盤山旋蹕作

仙莊五日促歸程煙泮平林宿雨晴土發膏香連遠近
林含花意報清明迴看雲裏藏螺色愛聽村頭叱犢聲

只有定光羣玉表山靈迎送稱去聲人情

雨後

雨後青郊淑氣恬
杏花村舍颺青帘
網緼未肯輕開霽
纔露遙峯四五尖

霑足明知利麥禾
閒聽漸石旅人歌
長官却謝脩除率
為汝歡欣不汝訶

高原固喜資耕易
下隰亦愁播種艱
京兆飛章報時雨
寧知愁喜萃其間

甘膏霑被真艱致北地兼多高阜田百一之低為躊躇
佇音自惟吾亦太求全

迴蹕詣

暢春園問

安

十日春巡返六驂

起居先詣玉階參

膝前擬報耕均好庭外猶看雨繼甘

徐零密灑煙空表潤葉濯枝仙苑間春色今年似江國
萱階萬景悅

慈顏

御製詩二集卷五十五